

**Razvojna banka Federacije  
Bosne i Hercegovine  
Predsjednik Uprave**

Broj: 5448-IX/19  
Sarajevo, 01.7.2019.godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14), člana 8. stav (2) tačka d) Pravilnika o uspostavljanju i radu Komisije za nabavke (Službeni glasnik BiH broj 103/14), preporuke Komisije za nabavke iz Zapisnika o pregledu i ocjeni ponuda broj 5419-IX/19 od 01.7.2019. godine i člana 20. Statuta Razvojne banke Federacije Bosne i Hercegovine, u postupku nabavke robe – kancelarijskog materijala za potrebe Razvojne banke Federacije BiH, Predsjednik Uprave Banke donosi

**ODLUKU**

**o izboru ponuđača u postupku nabavke robe - kancelarijskog materijala za potrebe  
Razvojne banke Federacije BiH**

**Član 1.**

Prihvata se preporuka Komisije za nabavke iz Zapisnika o pregledu i ocjeni ponuda broj 5419-IX/19 od 01.7.2019. godine i Okvirni sporazum za nabavku kancelarijskog materijala za potrebe Razvojne banke Federacije BiH dodjeljuje se ponuđaču R&S d.o.o. Sarajevo, Igmanska b.b., Sarajevo, Vogošća, kao prihvatljivom ponuđaču u otvorenom postupku javne nabavke.

**Član 2.**

Ukupna ponuđena cijena Okvirnog sporazuma iz člana 1. ove odluke, iznosi 22.424,23 KM bez PDV-a, što u konačnici, s uračunatim PDV-om, iznosi 26.236,35 KM.

**Član 3.**

U skladu sa odredbama člana 70. stav (6) Zakona o javnim nabavkama, Ugovorni organ će objaviti ovu odluku na svojoj web stranici [www.rfbih.ba](http://www.rfbih.ba), istovremeno s upućivanjem iste ponuđaču koji je sudjelovao u ovom postupku.

**Član 4.**

Ova odluka stupa na snagu danom donošenja i dostavlja se ponuđaču koji je sudjelovao u postupku javne nabavke, saglasno članu 71. stav (2) Zakona o javnim nabavkama.

## **OBRAZLOŽENJE**

Odlukom o pokretanju postupka nabavke robe - kancelarijskog materijala za potrebe Razvojne banke Federacije BiH broj 4462-IX/19 od 27.5.2019. godine, odobreno je pokretanje postupka nabavke predmetne robe za potrebe Razvojne banke Federacije BiH.

Javna nabavka je provedena putem otvorenog postupka javne nabavke, a kriterij za dodjelu ugovora je najniža cijena.

Procijenjena vrijednost nabavke iznosi 25.000,00 KM bez PDV-a.

Obavještenje o nabavci predmetne robe objavljeno je na Portalu javnih nabavki dana 29.5.2019. godine, broj obavještenja: 1011-1-1-354-3-18/19, kao i u Službenom glasniku.

Tenderska dokumentacija objavljena je zajedno sa navedenim obavještenjem.

Ispravka obavještenja o nabavci objavljena je 13.6.2019. godine, broj: 1011-1-1-354-3-18/19.

Odlukom Ugovornog organa broj 2633-III/19 od 29.3.2019. godine imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, Komisija za nabavke u okviru svojih nadležnosti i ovlaštenja je provela predmetni postupak nabavke, te o tome sačinila Zapisnik o pregledu i ocjeni ponuda u kojem je utvrđeno da je evidentirana 1 (jedna) pravovremeno pristigla ponuda kako slijedi:

<b>R. Br.</b>	<b>Naziv i sjedište ponuđača</b>	<b>Datum i sat prijema ponude</b>	<b>Cijena ponude (u KM)</b>	<b>Popust (u KM)</b>	<b>Ukupna cijena bez PDV-a (u KM)</b>	<b>Ukupna cijena s PDV-om (u KM)</b>
1.	R&S d.o.o. Sarajevo, Igmanska b.b., Sarajevo, Vogošća	27.06.2019. u 11:00 h	22.424,23	0,00	22.424,23	26.236,35

Na osnovu izvršene analize i ocjene pristigle ponude, Komisija je utvrdila da je ponuda prihvatljiva i u skladu je sa tenderskom dokumentacijom.

U postupku donošenja ove odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponude, u skladu sa kriterijima iz tenderske dokumentacije.

Imajući u vidu sve prethodno navedeno, a prvenstveno da je ponuđač R&S d.o.o. Sarajevo, dostavio u predmetnom postupku javne nabavke prihvatljivu ponudu u skladu sa tenderskom dokumentacijom, u iznosu 22.424,23 KM bez PDV-a koja je, prema kriteriju za izbor ponude (najniža cijena) ocijenjena prihvatljivom, te ispunjava sve uslove i zahtjeve predviđene otvorenim postupkom javne nabavke, primjenom člana 64. Zakona o javnim nabavkama stav (1) tačka b) i člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14) odlučeno je kao u dispozitivu ove odluke.

Pouka o pravnom lijeku: Protiv ove Odluke može se izjaviti žalba u roku od 10 (deset) dana od dana prijema ove Odluke, saglasno članu 97., 99. i 101. Zakona. Žalba se podnosi u najmanje 3 (tri) primjerka.



**Predsjednik Uprave**

**Salko Selman**

Dostaviti:

- Učesniku u postupku